

herkomen etwas in expensis beswere seyn, als nemlich das dy doctoranden mußen eyn collacion von vier pfundt zucker in vesperys gebenn allen magistris, doctoribus und licentiaten, und die baccalarii in assumptione desgleichen in formacione ad sentencias eyn essen mußen aufrichten und geben allen sallariaten, allen doctoribus, licentiatis und decanis, und wer nicht boße, das eyn prandium als sunder das sy in assumptione geben gantz abeingk ader gemessigt wurde, in zuvorsicht dy magistri mochten gradum in theologia anzunehmen sein suste geneigetter. Und wer gantz gut und nutzlich, das wir vil geschickte und gelarthe theologen muchten haben und uffzcyhen, uff das dy facultet, so sy in sunderheytt wirdt umb prediger an stende zcu schicken ersucht, wy si dan nau- lich von den von Auspurck, von den von Halle ym Ynstall, von etzlichen von Meide- burgk und von andern umligende orthen geschen ist, muchte geschickte personen und graduaten haben, zcue ire gottes und zcue merung unßer loblichen universitet das volch damit zcu vorsorgen.

Dys seyn dy vornemlichsten gebrechen in facultate theologica, dy man doch swerlich an voranderungk, altherkomen und zcuerrückung unßer statuten geandern magk. Auch so sust yrger ander gebrechen wern uns nicht wyslich, ader von uns nicht genußsam bedacht, szo bitten wir, e. f. g. wolde dyselbigen sampt angezeigetten gebrechen gnediglich beherzcigen und hyrinne alles das got zcue lobe, e. f. g. zcue ere, e. f. g. universitet zcue merung und unser facultet zcue gutte seyn magk, gnediglich fordern, schutzen und handthaben. Das wollen wir mit unßern gebeth kegen got und umb e. f. g. mit stet willigen und fleysigen, underthenigen dinsten als gehorsame, underthenige, demutige capellan und dyner vordinen.

E. f. g. underthenige vorordenten von der facultet theologie.

285.

25 *Bericht über das Einkommen und die Lasten des großen Collegs.* [Zwischen 1510 u. 1541.]

Hdschr.: Concept Hauptstaatsarchiv Dresden, Leipziger Handel 1246. 1510. 1539—41 loc. 10531 fol. 153 sq.

Eynkommen und bürden des grossen collegii.

Eyn collegat der nicht residirt, hat nicht mehr eynkummens dan eyn habitacz, die magk ehr unterdes vormieten.

30 Eyn iczlicher absens ubir drei tage muß so manchen tagk ehr aussen ist ab-
kurzung leyden, welches ierlich in denn rechnungen vill vordrißliche mühe bringt und
muß sulche absenz mit wissen des propsts thun, wilchs diß iar von den zweien doctori-
bus keyns geschehn.

Der stete resident hat eynkummens sechs und zewenzigk alte schogk, heist man
35 das corpus, und ist fürstlich gestiftt von der dorffer schoß und eynkummen^{a)}.

Item von den stiftthen die die collegaten selbst vor czeiten gemacht, mögen ge-
fallen ungeferlich eyn funff gülden uff ader abe, kumpt stugkweyse eyn. Item was von
den habitationen die der collegaten nicht seyn gefellet, das ist auch yhr eynkummen,